

КПСС-н Обкомд, Хальмг АССР-н Министрмүдин Советд

Сентябрь-октябрь сарин эргцд республикин селәнә әдл-ахугъар авгдсн социалистическ даалгъвр кўцәлгьнә йовудин туск то-диг хәләгъәд, малин-шим-шүүс гаргългъар болн әнүг государствд хулдлгъар, мал өсклгъәр болн әнүнә шим-шүүсянь икдүллгъәр сән гисн үзмджс кўцгдснь темдглгд-жәнә:

Западн района колхозмуд болн совхозмуд ноябрин 1 шинд государствд джилә даалгъвран мах хулдлгъар 90 процент, үсәр — 109 процент, ноосар — 117 процент, өндгәр — 108 процент кўцәгъәд, саалин үкр болгънас 1961 килограмм үс саадж авад, хөн болгънас 4,4 кг ноос киргъәд, өндглдг така болгънас 85 өндг-авад, цуг малан сәәнәр хадгълад, мал өсклгънә зурагъан — бод малар 102,6 процент, хөн малар — 100,2 процент, гаха — 207 процент кўцәгъәд, намрин тәрә тәрлгънә зурагъан 100,2 процент, зябь хагъллгъна зурагъан — 103,6 процент кўцәсми;

Государствд мах хулдлгъна джилә даалгъвран 101,7 процент, үс — 116 процент, ноос — 103,6 процент кўцәсн Сарпинск района «40 лет Октября» колхоз ;

Государствд мах хулдлгъна джилә даалгъвран 81 процент, ноос — 111,6 процент кўцәгъәд, зун хөн болгънас дундлад 102 хургъ авлгъ текәд, намрин тәрә тәрлгънә болн зябь хагъллгъна көдлмшән бүклднь төгсксн Целинн района «Ленинский» совхоз;

Ах хөбчирин ним бригадс: зун хөн болгънас 130 хургъ авад экәснь салгъх кўртл хадгълсн Элст балгъсна Сталинә нертә колхозин ах хөбч **В. Слизский**; зун хөн болгънас 132 хургъ авсн Западн района Чапаевин нертә колхозин ах хөбч **А. П. Химочкин**: хөн болгънас 8,6 кг ноос киргъсн Целинн района «Ленинский» совхозин ах хөбч **Н. А. Армадынов**; зун хөн болгънас 122 хургъ авад, экәснь салгъх кўртл хадгълад, государствд өггдсн хүрсхин 95 процентинь негдгч сортар өгсн Юстинск района «Полынный» совхозин ах хөбч **З. Кабышев**;

271 багъ малин толгъа болгънит сутк болгънд 1300 грамм немүлдж өсксн Сарпинск района «Степной» совхозин ах үкрч **В. Б. Пурвев**;

Саальчнр: саалин үкр болгънас 2375 литр үс саасн Элст балгъсна «Буратинский» совхозин саальч **А. О. Очирова**, саалин үкр болгънас 2357 кг үс саасн Сарпинск района «Путь Ленина» колхозин саальч **Е. Т. Тарасова**, өндглдг така болгънас 131 өндг авсн «Пролетарская победа» колхозин шовуч **Н. Мартыненко**;

«ДТ—54» тракторар көдлмшин цагин эргцд 1558 гектар, джөөлн хагъларар хатгълад 3900 кг горюч әрвлсн Приютненск района «40 лет ВЛКСМ» совхозин тракторист **В. Д. Лахно**.

Малин шим-шүүс государствд хулдлгъар кесн Яшалтинск, Целинн болн Каспийск райодин сән көдлмш темдглгдв.

КПСС-н тангъччин комитетин болн Хальмг АССР-н Министрмүдин Советин шиидврәр, өнүүрлгч орм эзлсн әдл-ахус болн көдләчнр дамдждж өгддг Улан тугар ачлгдәд, мөнъгәр мөралгдшәв.